

საქართველოს ახალგაზრდა იურისტთა ასოციაცია
GEORGIAN YOUNG LAWYERS' ASSOCIATION



საქართველოს ახალგაზრდა იურისტთა ასოციაცია
GEORGIAN YOUNG LAWYERS' ASSOCIATION



3692: დამწვარი ასოების კრიალოსანი

წერა და კითხვა: ჩემი ოჯახის ძალიან ქალური ტრადიციაა. ჩემი პუტკუნა ბებია — ციალა ერქვა, დატოვებდა ხოლმე თავის ბღვისპირა სახლს და ორ-სამ დღეში ბრუნდებოდა ამოუცნობი გზით ნაშოვნი იშვიათი წიგნებით. ბაბუმ — მოციხფრო-მოიასამნისფრო თვალები ჰქონდა, ღრმა — თბილი ხმა და ბოტოტა, ნაშრომი ხელები — შეუჭედა ხის თაროები განიერ ოთახში და ხისსურნელიანი ბიბლიოთეკა მოუწყო. ამ ამბის გადამკვიდე, დამჩემდა, რომ ბიბლიოთეკის მოწყობა და წიგნის ჩუქება — სიყვარულის ყველაზე მგრძნობიარე გამოხატვაა. შენ ხომ მხოლოდ ნივთს არ ჩუქნი. ჩუქნი ბევრ ფიქრს — და ამ ფიქრით, შენთან ყოფნას, მაშინაც როცა მარტოა.

მედიკოს — მეორე ბებოც, ბღვისპირეთში ცხოვრობდა. ომის შემდეგ მტკიცედ გადაწყვიტა დარჩენილიყო ნახევრად დამწვარ, უფანჯრო სახლში: ეზოში საფლავს ვერ ტოვებდა და ყოველ დღე როდესაც ვერ მიდიოდა (ჩვენთან სტუმრობისას) — ზურგს მომაქცევდა და ჩუმად ტიროდა მოსაღამოებულზე, დღის ფუსფუსი რომ გადაივლიდა. მერე ისევ ბრუნდებოდა გადამწვარ სახლში, სადაც იარაღიანი ხალხი აშინებდა შერჩენილ მოსახლეობას. სახლიდან გვიგზავნიდა ხელით შეკერილ, მანდარინის სურნელიან მოჩითულ ტომრებში თხილს: მოუთმენლად გავქეცავდი ხოლმე ტომარას და თხილში ვეძებდი ჩამალულ წერილებს. წერილებს გვწერდა გაყვითლებულ ძველ ქაღალდებზე, ნესტისგან დარბილებული იყო და ნაკვეცებში გაცვეთილი, გრილი შესახებად, თხილის სურნელი რომ ჰქონდა აკიდებული. ერთ-ერთ წერილში, დედას მიწერა ძველი შელოცვა, რომელიც ბავშვებს ბოროტი სულებისგან იცავს: სანახევროდ წარმართული, სანახევროდ ქრისტიანული. მისი ბების ბების ბებია — ვინ უწყის რა დროიდან, გადმოსცა. ყოველი ძილის წინ, დედა ბუტბუტებდა ამ შელოცვას, ისე რომ სიტყვებს ვერ ვარჩევდი: თურმე არ შეიძლება სხვამ იცოდეს სიტყვები, თორემ, ძალას კარგავს. მხოლოდ დედიდან გოგოზე გადადის ამ შელოცვის ტექსტი.

თუ ერთისთვის წიგნები და წერა იყო ურთიერთობა — მეორესთვის — მარტოობა. ოღონდ, რომელი რომლისთვის? დღესაც ვფიქრობ. და რა კარგია მარტო ყოფნა — არსებობდე სხვისი ფსიქოლოგიური სისტემის, წარმოდგენების მიღმა: the delight of not being defined by others. მაგრამ ცუდია მარტო ყოფნა: ჩიხია, ცალმხრივი 'დეპეშა', დეფექტიანი პერპეტუომობილე. რას შეუძლია მოგანიჭოს მარტოობა, მაგრამ ურთიერთობიანი მარტოობა? წიგნს.

მეც ასე ვარ: ვინც კითხვას, სულერთია რა თემაზე: ჰოკინგის ასტროფიზიკა, ვერმერის

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



ბიოგრაფია, ვაჟა, პოპულარული ეკონომიკა, რუმი, ჩინეთის გეოპოლიტიკა, ყურანი თუ ბიბლია. ქაოტურ გონებას იმორჩილებ კითხვის აუცილებლობით და ბუტბუტით თვითჰიპნოზი ინყება, მედიტაცია, დამშვიდება. რა შინაარსსაც არ უნდა კითხულობდე, გადმოგაქვს წიგნის სტრუქტურა, წყობა: იქამდე ატრიალებ სიტყვებს, ფიქრებს, აზრებს, გადაარჩევ კრიალოსანივით, სანამ არ დამშვიდდები. ამიტომაც გაძლიერებს წიგნი. გალაგებს. არ არის საჭირო დაიმახსოვრო ავტორი, სათაური, შინაარსი, წელი. უფრო სასიამოვნოა, შეუშვა შენში წიგნის 'სურნელი' და ნალექი დატოვოს სადღაც შეგრძნებებში. ამოიკითხო წიგნის ფორმულა, რომელშიც საკუთარ ციფრებს ჩასვამ და ამოხსნი შენს თავს. არის რაღაც ძალიან ინტიმურად მაგიური წიგნში, რომლის ფურცლებიდან ინფორმაციას კითხულობ არა მხოლოდ თვალებით არამედ თითებით, სურნელით: მიკროკოსმი, მოქცეული პანანინა ხუჭუჭა ასოებში.

ამიტომ, წიგნი საუკეთესო საჩუქარია ადამიანისთვის, ვისაც ემოციურად უჭირს, ვისაც ერთულება ცხოვრება — და ასეთები, სხვადასხვა სიმძაფრით და სიხშირით, მაგრამ ყველანი ვართ.

საინტერესოა, რომ ასეთი განცდა ბევრისგან მსმენია, ჩემთვის საპატივცემულო ადამიანებისგანაც, ვინც კამპანიას #წიგნებისაქართველოდან შემოუერთდნენ:

გიორგი კვეციანი — „წიგნი არის ემოციის, გამოცდილების და ცოდნის მატარებელი.“

ლია ლიქოველი — „ღიბანი წიგნის მნიშვნელოვანი იყო, ლექსის წაკითხვა ინტერნეტითაც შეგიძლია, მაგრამ ეს ხომ ნივთიცაა, რომლის ქონაც უნდა გიხაროდეს.“

ცირა ელისაშვილი — „რამხელა სიკეთეა, როცა გეძლევა შესაძლებლობა სრულიად უცნობი, სამშობლოდან შორს მყოფი ადამიანისთვის შეარჩიო წიგნი, რომელსაც ქართული სიტყვის გარდა ანონიმურ სიყვარულსაც ატან.“

ამასთან, პიროვნული მნიშვნელობის მიღმა — წიგნი ასევე არის ერთად ყოფნის შესაძლებლობაც. წიგნის კუთხეს აქვს ძალა შემოიკრიბოს ორი, სამი, ოთხი — მეტი ადამიანი; გახდეს საუბრის, ურთიერთობის, შეკრების ვერა, სადაც ადამიანები ერთმანეთის მოსმენას ისწავლიან, გვერდში დაუდგებიან ერთმანეთს და ააშენებენ უფრო მეტს, ვიდრე ერთი ადამიანი შეძლებდა მართლ: შეკრულ საზოგადოებას. ხოლო ის, რაც შეძლებს შეკრიბოს ადამიანები ერთად, თავისუფლების, და არა დოგმის გარშემო — უკვე სახელმწიფოებრივად მნიშვნელოვანი ამოცანაა. ციალას 3692 წიგნს ერთი კვირა წვავდნენ, ჩვენი ზღვისპირა სახლის სურნელიან ბაღში.

საქმე იმაშია, რომ ცნობიერად თუ ქვეცნობიერად, ყველანი ვხვდებით, რომ წიგნების

საქართველოს ახალგაზრდა იურისტთა ასოციაცია GEORGIAN YOUNG LAWYERS' ASSOCIATION



შეგროვებით ემიგრანტებს უბრალოდ წიგნებს არ ვუგზავნით. ვუგზავნით ბევრად მეტს — თუ რას, ეს თავად წიგნის მიმღებმა განსაზღვროს. წიგნი ხომ დოგმა არ არის: წიგნი მართლობა, ურთიერთობა და თავისუფლებაა — გააჩნია, ვის რისი მიღება უნდა მისგან.

2017 წლის მაისის ბოლომდე ნებისმიერ მსურველს შეუძლია დატოვოს წიგნი თავისი წარწერითვე — საიას ნებისმიერ ოფისში, რომლებიც შეგროვდება ერთიან წიგნის ბანკში და გაეგზავნება ემიგრანტებს. იხილეთ მეტი: #წიგნებისაქართველოდან ან მოგვწერეთ.

თეონა მაჭარაშვილი საიას იურისტი

შესაძლოა პოსტის შინაარსი არ ასახავდეს საიას პოზიციას